

卷之四

祀典

国之大事,惟祀为先。入学祭菜,典礼不愆。成民致神,奉醴告虔。毋曰幽漠,实式凭焉。胎蚩絜緼,对越于天。志祀典

文庙

文庙即在学宫中。学宫已列建置卷,复详文庙何哉? 官则考其制,庙则数其典也。释奠于先师孔子,煌煌仪注,历代遵焉,可从略欤? 圣朝尊师重道,封五代,设太牢,增乐舞,又有超轶前代者,略而不书,其何以观礼详考,冠诸卷首,为祀典光猗欤盛矣!

大成殿

至圣位居中,复圣、述圣在左,宗圣、亚圣在右。当祭,则配殿左右为十二哲从祀,其东西两庑祀七十二贤,及历代诸儒之有功圣学者,各分献。

崇圣祠 在殿之东,祀先圣五代(雍正四年追封崇以王爵曰 肇圣王 裕圣王 诒圣王 昌圣王 启圣王)以四配之考配之。从祀者为周、程、张、朱、蔡五先贤。

魁星楼 在礼门南,土地祠在义路西。因祭庙并祭之

名宦祠 在戟门左,乡贤祠在戟门右,庙祭毕祭于二祠

释奠仪

每祭于文庙,期以春秋二仲月上丁日。先三日斋,前一夕省牲,知县正献,行三献礼;教官分献,行一献礼。其执事之目十有二(通赞、引赞、陈设、司帛、司爵、司盥、司尊、进牲、瘞毛血、司香烛、饮福、受胙),读祝册曰:“惟师德配天地,道冠古今,删述六经,垂宪万世。惟兹仲 春秋 谨以牲帛酒醴,賚盛庶品,祇奉旧章式。陈明荐以复圣颜子、宗圣曾子、述圣子思子、亚圣孟子。配设祭器十有一(锡簠 竹筩 爵盞 锡刚 木豆 锡簠 锡登 筐 牺尊 云雷尊 俎 乾隆八年知县洪肇楸捐

锡三百六十觔祭器咸备),陈乐器十有八(编钟十二 编磬十六 琴二 瑟二 箫 笛 排箫各二 管 笙 埙 篪各二具 大鼓一 拊鼓一 祝一座 麾幡 旌节各一杆 龙翟三十六柄 籥三十六管 敔一座),乐奏咸和之曲,以迎神。其词曰:大哉孔圣,道德尊崇。维持王化,斯民是宗。典祀有常,精纯并隆。神其来格,于昭圣容”。奠帛初献,奏宁和之曲词曰:“自生民来,谁底其盛? 惟师圣明,度越前圣。粢帛具陈,礼容斯称。黍稷非馨,惟神之听”。亚献奏安和之曲,词曰:“大成圣师,实天生德。作乐以崇,时祀无致。清酏惟馨,嘉牲孔硕,荐修神明”。庶几昭假终献,奏景和之曲,词曰:“百化宗师,生民物轨。瞻之洋洋,神其宁止。酌彼金罍,惟清且旨”。登献惟三于嘻成礼撤饌,奏咸和之曲,词曰:“牺象在前,豆笾在列。以飨以荐,既芬既洁。礼成乐备,人和神悦。祭则受福,率遵无越”。乃奏咸和之曲以送神,其词曰:“有严学宫,四方来宗。恪恭祀事,威仪雍雍。歆兹惟馨,神馭还复。明禋斯毕,咸应百福。”凡歌诗者四人,乐生二十有四人,司舞三十有六人。雍正二年添设。

祭法

先师酒三爵,帛一筐,太羹一登,和羹二钶,黍稷二簠,稻粱二簋十二笱(盐、槁鱼、枣、栗、榛、芡、菱、鹿脯、鲋、糗、饵、粢),十二豆(韭、菁、芹、笋、醢、鹿醢、兔醢、鱼醢、豚胎、脾肝、饴、糝),羊一俎,豕一俎,设太牢。雍正四年增设。

四配酒各三爵,帛各一筐,太羹一豆,和羹二钶,黍一簠,稷一簋,六笱(盐、枣、栗、鹿、脯、菱、槁鱼),六豆(菁、芹、笋、鹿醢、兔醢、鱼醢),羊豕皆一函。

十二哲酒各一爵,帛一筐,和羹一钶,黍一簠,稷一簋,四笱(省菱、槁鱼),四豆(省笋、鱼醢),羊豕皆一函。东西数同。

两庑每庑合四位,酒四爵,帛一筐,黍一簠,稷一簋,四豆,豕四函。

崇圣酒三爵,帛一筐,和羹二钶,黍稷二簠,稻粱二簋,笱四,豆四,羊、豕皆一俎。

其配各酒三爵,帛一筐,和羹二钶,黍稷一簠,稻粱二簋,笱豆皆四,羊豕皆一函。

是日也,祭辩乃致祭于魁星楼及土地祠,并名宦、乡贤二祠皆祭之。毕,乃出祭于文昌阁,如常仪。

壇 壝

上丁释菜,礼莫虔焉,仪莫肃焉,非他祭比也。若夫时和降福,教民美报,斯其祀典之大者乎!当宪皇帝之七年,令郡邑置先农壇,每岁仲夏戊日,与社稷、山川诸壇并祭。我皇上享祀百神,典礼有加焉,凡以恪恭震动为天下先也。宝邑犹在畿内,守斯土者,敢不仰体敬天!勤民之意,以祇承大礼,因次丁祭敬列之。

社稷壇 在县西门外西北里许,以释菜后戊日致祭。

风云雷雨山川壇 在县南门外,与社稷壇同日祭。

先农坛 在县东门外韩家桥东一里许。雍正七年,知县廖翼奉文建置。每岁戊日致祭,县令率农官耕耨田,如古大夫礼。

邑厉坛 在县北门外半里许。每岁以清明中元、孟冬三节祭之。

乡厉坛 每里一所,祭期如邑厉坛。

祭法

社酒三爵,帛一筐,和羹二甬,黍稷二簠,稻二簋,枣、栗、盐、槁鱼四笱,韭菁菹醢醢四豆,羊一俎,豕一俎,稷如其数。

风云雷雨山川,器增社坛二之一,筐增五,祭品一如社仪。

先农牲用羊豕三献,礼如常仪。

厉酒三爵,果四笱,蔬四豆,羊二俎,豕二俎,羹八器,饭四科。

庙祠

有功德于民者则祀之,故称庙食焉。独壇壝也乎哉! 武庙之崇,亚于文庙,于乎盛矣。其他庙祀,大率以祭社稷壇日祭之,以其能利赖民人与社稷等也。聪明正直之神来享来格,所谓有馨香而无饗者耶,若夫寺观之属,不在此例,入别录。

关帝庙 在县石幢前。有礼部尚书王铎“濯灵”二字额。雍正三年,奉文加封三代公爵,每岁春秋释奠,五月十三日复专祭。

城隍庙 在邑中殿额“观火”二字亦王铎书也。每岁春秋上,戊日致祭。

八蜡庙 在县东门外。亦以上戊日致祭。

马神庙 在县署东,祭日同上。

土地庙 在县署内,祭日并同。

忠义祠 在学宫东。雍正八年,知县廖翼奉文建。

节孝祠 在学宫西,与忠义祠同建。祭日亦并用戊。

祭法

春秋二仲月祭

关帝庙,牲用羊豕,设太牢。其仪注一与文庙同。朝服行九跪三献礼。是日并祭三代祠,无太牢。六叩三献,如祭崇圣祠。五月十三日专祭。

关帝牲仪皆如前。

以上俱雍正年增。

上戊日祭八蜡,牲用羊豕,酒各二爵,馀如常仪。是日也,兼祭土地及马神。

城隍与风云雷雨山川同,祭礼亦如之。

忠义、节孝与社稷壇同日，祭其礼由视名宦乡贤。

论曰：教养之相因也久矣。觉民者、圣庇民者神。用丁用戊，以昭圣泽，以答神圣庥典，顾不鉅哉！故观于里豆庠笱，而益知君臣父子之鹄，观于祈年饮福而益思农桑衣食之原，二者居教养之大端矣。宝邑虽小，有君子焉，有野人焉，百年以来，以教以养，圣之泽耶，神之庥耶。且岁忘帝之力矣。